

Chum esch de Obama z`Amerika so richtig Präsidiänt  
jo do überchonnt er doch scho de Nobälpris als Presänt  
mer s`Komedi Team fende das en Wetz de reinschti Chendergarte  
jo eus gets schliessli scho 25 Jahr ond mer send emmer no am warte

Iche bine dafür seit s`Micheline Calmy-Rey wir nehmen 2 Häfling aus Quantanamo  
was frogd entsetzt do de Ueli Murer os Quantana wo  
ich ben au deför seit de Hans-Ruedi Merz ond nemmt no en Schlock Kaffi  
ond seit: gäll die tusche mer den i gäge die 2 Geisle vom Gaddafi

Nach em Minarettverbot so hani ghöre lüte  
do weted es paar em Bondeshus am liebschte au no s`Chopftuech verbüte  
do chamer jetzt teilter Meinig si doch ein Vorteil wörds ha  
do gsäch mer jetzt ändli öb de Mike Shiva e Frau esch oder e Maa

Ond denn gets au no Politiker die wete das mer d`Waffe  
ond d`Munizion es Züghus brengt ond d`Armee wörd abschaffe  
jo ond wer goht den frog ich die ohni sie welle z`beleidige  
em Chräntel hende s`Naturschutzgebiet gäge d`Free for Peace go verteidige

Es schneyelet es beyelet z`Brogg goht e frösche Wend  
jo of Pangsion seit de Alder Rolf freu er sich wienes chlieses Chend  
ond au wenn er jetzt Zyt heig deför ond s`Volk das vellecht meini  
er sigi of Tube spezialisiert Flamingos schüss er e keini

Dank de Doris Leuthard do esch das Jahr de höchschi Bondesrot e Frau  
ond met de Pascale Bruderer gelt em Nationalrot s`gliche au  
ond d`Erika Forster das esch die wo em Ständerot z`Oberscht stoht  
do beni froh das wenigstens be eus no der Ernst Obrist seit wos doregoht

Das Jahr het eusi Chelegmei e ehrem Palmarès  
schiends en Wettbewärb wo heisst „Wer wird Christ des Jahres“  
ond wend du be dem Wettbewärb de erschti Pries wetsch verbueche  
den muesch eifach nor all ehri Aläss em Veranstalterskaländer bsueche

Ghöred er au zo dene Lüt ich sägs do ganz bescheide  
wo z`Rinike d`Musig ond Guggemusig ned vonenand cha onderscheide  
denn han ich euch do en eifache Typ das ehr die nömm verwächslet  
also d`Gugge die brucht ned 25 Jahr bes sie ehres Kostüm wächslet

A de letschte Gmeind du do duet ein d`Aregig deponiere  
öb mer ned euse Chreisel vellecht chli besser chönnt markiere  
das wärdi no gmacht het de Gmeirot gseit sie warte nor no of de Momänt  
wos den ändli Liechter gäb wo ne Diebstahlsecherig händ

Hende em Schänkebärgertal düend si als probiere  
doch Välte ond Vellnachere die wänd eifach ned fusioniere  
zom Glöck meint do ein vom Neuquartier hets nor emmer eis Rinike geh  
well jetzt womer so blöd tüend wäg de Starchstromleitig wörd eus s`Ennerdorf secher nömm neh

Zom Schloss hani do no es chlieses Quiz wössed er Fraue ond Manne  
wie mer en ganze Saal voll Lüt chan of d`Foltere spanne  
also du das esch ganz eifach wenn er jetzt e Zuegab wänd  
denn muess ich demet nome warte bes mer Elfi händ

Näbem Zeddel händ mer eusi Bankdate hür au no of e CD kopiert  
jo ond drofabe han ich stenk fräch de Merkel telefoniert  
hey Angie was zahlshch för di CD do hesch du der das scho überleit  
ond den het sie am Telefon folgendes zuemer gseit  
Benni gottfredstotz en Kiosk....

*Der Komedi*<sub>10</sub>

Wänd er me bsueche? Ich be dehei onder „[www.komedi.ch](http://www.komedi.ch)“